

Framseld reglugerð framkvæmdastjórnarinnar (ESB) 2016/1434

frá 14. desember 2015

um leiðréttingu á framseldri reglugerð (ESB) 2015/63 um viðbætur við tilskipun Evrópuþingsins og ráðsins 2014/59/ESB að því er varðar framlög greidd fyrirfram til fjármögnunarfyrirkomulags vegna skilameðferðar

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2014/59/ESB frá 15. maí 2014 sem kemur á ramma um endurreisn og skilameðferð lánastofnana og verðbréfafyrirtækja og um breytingu á tilskipun ráðsins 82/891/EBE og tilskipunum 2001/24/EB, 2002/47/EB, 2004/25/EB, 2005/56/EB, 2007/36/EB, 2011/35/ESB, 2012/30/ESB og 2013/36/ESB, og reglugerðum Evrópuþingsins og ráðsins (ESB) nr. 1093/2010 og (ESB) nr. 648/2012 ⁽¹⁾, einkum 7. og 8. mgr. 103. gr.,

og að teknu tilliti til eftirfarandi:

- 1) Nokkrar skekkjur komu fram í öllum tungumálaútgáfum textans í 5. gr. (f-lið 1. mgr. og 3. mgr.), 6. gr. (9. mgr.), 12. gr. (1. mgr.), 14. gr. (1. mgr.) og 20. gr. (1. og 5. mgr.) framseldrar reglugerðar framkvæmdastjórnarinnar (ESB) 2015/63⁽²⁾.
- 2) Fyrir misgáning inniheldur f-liður 1. mgr. 5. gr. framseldrar reglugerðar (ESB) 2015/63 orðið „upprunalega“ og dregur þannig úr umfangi undanþágunnar sem varðar skuldbindingar stuðningsbanka. Stefnumarkmiðin yrðu gerð gleggri með því að eyða orðinu „upprunalega“.
- 3) Í 3. mgr. 5. gr. framseldrar reglugerðar (ESB) 2015/63 ætti að uppfæra tilvísun í 6. og 7. mgr. 429 gr. reglugerðar Evrópuþingsins og ráðsins (ESB) nr. 575/2013⁽³⁾ til að taka tillit til breytinga sem innleiddar voru með framseldri reglugerð framkvæmdastjórnarinnar (ESB) 2015/62⁽⁴⁾. Í stað tilvísunarinnar komi tilvísun í 429. gr., 429. gr. a og 429. gr. b í reglugerð (ESB) nr. 575/2013.
- 4) Í 1. mgr. 14. gr. framseldrar reglugerðar (ESB) 2015/63 ætti að skýra það að hún vísar til síðustu samþykktu árlegra reikninga sem tiltækir eru, eigi síðar en 31. desember á árinu sem er á undan framlagstímabilinu og eigi fyrir 31. desember.
- 5) Innsláttarvilla er í 1. mgr. 20. gr. Fresturinn ætti að vera í samræmi við frestinn í 4. mgr. þeirrar greinar og breytast í 1. september 2015.
- 6) Ákvæði 5. mgr. 20. gr. þurfa að vera í samræmi við 5. mgr. 8. gr. framkvæmdarreglugerðar ráðsins (ESB) 2015/81⁽⁵⁾ til að tryggja

⁽¹⁾ Stjtið. ESB L 173, 12.6.2014, bls. 190.

⁽²⁾ Framseld reglugerð framkvæmdastjórnarinnar (ESB) 2015/63 frá 21. október 2014 um viðbætur við tilskipun Evrópuþingsins og ráðsins 2014/59/ESB að því er varðar framlög greidd fyrirfram til fjármögnunarfyrirkomulags vegna skilameðferðar (Stjtið. ESB L 11, 17.1.2015, bls. 44).

⁽³⁾ Reglugerð Evrópuþingsins og ráðsins (ESB) nr. 575/2013 frá 26. júní 2013 um varfæriskröfur að því er varðar lánastofnanir og verðbréfafyrirtæki og um breytingu á reglugerð (ESB) nr. 648/2012 (Stjtið. ESB L 176, 27.6.2013, bls. 1).

⁽⁴⁾ Framseld reglugerð framkvæmdastjórnarinnar (ESB) 2015/62 frá 10. október 2014 um breytingu á reglugerð Evrópuþingsins og ráðsins (ESB) nr. 575/2013 að því er varðar vogunarhlutfallið (Stjtið. L 11, 17.1.2015, bls. 37).

⁽⁵⁾ Framkvæmdarreglugerð ráðsins (ESB) 2015/81 frá 19. desember 2014 sem tilgreinir samræmd skilyrði fyrir beitingu reglugerðar Evrópuþingsins og ráðsins (ESB) nr.

samkvæmni innan innri markaðarins og í lögum Sambandsins. Stefnunarmálin eru endurspegluð í framkvæmdarreglugerð (ESB) 2015/81 en fyrir misgáning ekki í 5. mgr. 20. gr. framseldrar reglugerðar (ESB) 2015/63.

7) Frekari skekkjur koma fram í þýskri útgáfu textans í 14. gr. (1. mgr.) og 15. gr. (2. mgr.) og 16. gr. (1. mgr.) framseldrar reglugerðar (ESB) 2015/63.

8) Því ætti að leiðrétta framselda reglugerð (ESB) 2015/63 til samræmis við það.

9) Skekkjur í framseldri reglugerð (ESB) 2015/63 kalla á leiðréttingar til að tryggja jöfn samkeppnisskilyrði á innri markaðinum. Í þessu skyni ætti þessi leiðréttingarreglugerð að öðlast gildi afturvirkkt frá og með 1. janúar 2015.

SAMÞYKKT REGLUGERÐ ÞESSA:

1. gr.

Framseld reglugerð (ESB) 2015/63 er leiðrétt eins og hér segir:

1) Í stað f-liðar 1. mgr. 5. gr. komi eftirfarandi:

„f) skuldbindingar stofnunar sem er milliliður gagnvart upprunalegum eða öðrum stuðningsbanka eða öðrum millilið, þegar um er að ræða stofnanir sem starfrækja stuðningslán og skuldbindingar stuðningsbankans gagnvart fjármögnunaraðilum hans að svo miklu leyti sem skuldbindingar þessar eru jafnaðar með stuðningslánnum þeirrar stofnunar.“

2) Í stað fyrstu undirgreinar 3. mgr. 5. gr. komi eftirfarandi:

„Í þessum þætti skal verðmeta árlega meðalfjárhæð skuldbindinga, sem um getur í 1. mgr., sem reiknuð er út á ársfjórðungsgrundvelli og sem myndast vegna afleiðusamninga, í samræmi við 429. gr., 429. gr. a og 429. gr. b í reglugerð (ESB) nr. 575/2013.“

3) Í stað 9. mgr. 6. gr. komi eftirfarandi:

„9. Ákvörðun skilavaldsins skal, að því er varðar 6., 7. og 8. mgr., vera byggð á matsgerðum sem lögbær yfirvöld gera þegar hægt er.“

4) Í stað 1. mgr. 12. gr. komi eftirfarandi:

„1. Ef stofnun hefur nýlega verið sett undir eftirlit, og aðeins hluta af framlagstímabilinu, skal ákvarða framlag að hluta til með því að beita aðferðafræðinni sem sett er fram í þessum þætti á fjárhæð árlegs framlags sem reiknað er út meðan næsta framlagstímabil á eftir gengur yfir með tilvísun til fjölda heilla mánaða framlagstímabilsins þar sem stofnunin er undir eftirliti.“

5) Í stað 1. mgr. 14. gr. komi eftirfarandi:

„1. Stofnanir skulu afhenda skilavaldinu síðustu samþykktu ársreikninga, sem eru tiltækir eigi síðar en 31. desember á árinu á undan framlagstímabilinu, ásamt álitum sem löggiltur endurskoðandi eða endurskoðunarfyrtæki leggur fram í samræmi við 32. gr. tilskipunar Evrópuþingsins og ráðsins 2013/34/ESB (*).“

(*) Tilskipun Evrópuþingsins og ráðsins 2013/34/ESB frá 26. júní 2013 um árleg reikningsskil, samstæðureikningsskil og tilheyrandi skýrslur tiltekinnna tegunda fyrirtækja, um breytingu á tilskipun Evrópuþingsins og ráðsins 2006/43/EB og niðurfellingu tilskipana ráðsins 78/660/EBE og 83/349/EBE (Stjtið. ESB L 182, 29.6.2013, bls. 19).

6) [Á aðeins við um þýsku útgáfuna.]

7) [Á aðeins við um þýsku útgáfuna.]

8) Í stað þriðja málsliðar 1. mgr. 20. gr. komi eftirfarandi:

„Viðkomandi lánastofnanir skulu, árið 2015 ef engar af upplýsingunum sem krafist er í 16. gr. eru tiltækar í

innstæðutryggingakerfinu fyrir 1. september, að því er varðar útreikning árlega viðmiðunarmarksins, sem um getur í 2. mgr. 4. gr., eða árlegs grunnframlags sérhverrar stofnunar sem um getur í 5. gr., eftir tilkynningu frá innstæðutryggingakerfinu, láta skilavöldunum í té þær upplýsingar fyrir þá dagsetningu.“

9) Í stað fyrsta málsliðar 5. mgr. 20 gr. komi eftirfarandi:

„Aðildarríkjum er heimilt að leyfa stofnunum, með heildareignir sem eru jafnar eða lægri en 3 000 000 000 evrur, að greiða 50 000 evra eingreiðslu fyrir fyrstu 300 000 000 evrur af heildarskuldum, að fráregnu eigin fé og tryggðum innstæðum á upphaflega tímabilinu sem um getur í 1. mgr. 69. gr. reglugerðar (ESB) nr. 806/2014, með fyrirvara um 10. gr. þessarar reglugerðar.“

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2015.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 14. desember 2015.

Fyrir hönd framkvæmdastjórnarinnar,

Jean-Claude JUNCKER

forseti.
